

ՎԱՐՁԱԿԱԼՈՒԹՅԱՆ ՊԱՅՄԱՆՆԵՐ

1. Նախնական դրույթներ

- 1.1. Այս փաստաթղթում ավտոմեքենաների վարձակալություն տրամադրողը համարվելու է **Վարձատու**, իսկ նրա ծառայություններից օգտվելու համար դիմողը՝ **Պատվիրատու**:
- 1.2. Ավտոմեքենաների վարձակալության և մյուս ծառայությունների պատվերները ցանկալի է կատարել նախօրոք: Պատվերներն ընդունվում են ինտերնետային էջի, հեռախոսազանգի կամ \$աքսի միջոցով, ինչպես նաև մեր գրասենյակում:
- 1.3. Ընդհանուր առմամբ, Ավտոմեքենաների **ամրագրումը** կատարվում է առանց կանխավճար պահանջելու, սակայն որոշ դեպքերում **Վարձատուն** կարող է **Պատվիրատուից** պահանջել կանխավճար կամ լրացուցիչ տեղեկություններ **ամրագրման** համար:
- 1.4. Ալկոհոլի, թմրանյութի, հոգեմետ կամ ինքնազգացողության վրա վնասակար ներգործող դեղերի ազդեցության տակ գտնվող անձինք չեն կարող կնքել Վարձակալության պայմանագիր և վարել Ավտոմեքենա:

2. Պատվիրատուի պարտավորություններն ու իրավունքները

- 2.1. **Պատվիրատուն** պարտավոր է ստույգ տվյալներ ներկայացնել պատվերը ձևակերպելիս եւ տվյալների հետագա փոփոխությունների մասին **Վարձատուին** տեղյակ պահել ծառայության մատուցումից առնվազն 5 օր առաջ:
- 2.2. Ավտոմեքենան համարվում է **Պատվիրատուի** կողմից **ամրագրված**, եթե առկա է **Վարձատուի** կողմից տրված գրավոր հաստատումն այդ մասին կամ կնքված է պայմանագիր Ավտոմեքենայի ամրագրման մասին: Ավտոմեքենան համարվում է **վարձակալված**, եթե գործողության մեջ է երկկողմանի կնքված Վարձակալության պայմանագիրը:
- 2.3. **Ամրագրված** Ավտոմեքենայից հրաժարվելու կամ վարձակալության սկզբնաժամկետը հետաձգելու դեպքում **Պատվիրատուն** որևէ տուգանք չի վճարում, եթե այդ մասին գրավոր տեղեկացրել է **Վարձատուին** վարձակալության սկզբնաժամկետից հաշված 48 ժամ առաջ: Հակառակ դեպքում **Պատվիրատուն** վճարում է տուգանք՝ **վարձակալության 1 օրվա գնի** չափով:
- 2.4. Վարձակալված Ավտոմեքենան ընդունելու պահից **Պատվիրատուն** (կամ այն անձը ով պայմանագրով ստանձնում է **ամրագրված** Ավտոմեքենայի վարձակալության ողջ պատասխանատվությունը) համարվելու է **Վարձակալ**, իսկ Ավտոմեքենան վարողները՝ **Վարորդներ**:

3. Վարձակալի/ Վարորդի պարտավորություններն ու իրավունքները

- 3.1. **Վարձակալը** պետք է լինի 22 - 70 տարեկան և ունենա առնվազն 2 տարվա վարորդական փորձ՝ վարձակալության պայմանագիրը ստորագրելու համար:
- 3.2. Ավտոմեքենայի վարձակալության ողջ պատասխանատվությունը ստանձնում է **Վարձակալը**:
- 3.3. **Ֆիզիկական անձանց դեպքում** վարձակալության պայմանագիրը ստորագրելիս **Վարձակալը** պետք է ներկայացնի վավեր վարորդական իրավունքի վկայական, վավեր անձնագիր (կամ ID card) և գրավի գումարի տրամադրման հնարավորություն (բանկային քարտով սառեցնելու, կանխիկ վճարելու միջոցով) կամ հավելավճար մուծելու հնարավորություն (մանրամասները՝ 8.3 – 8.5 կետերում):
- 3.4. **Իրավաբանական անձանց դեպքում** վարձակալության պայմանագիրը ստորագրելիս **Վարձակալը** պետք է ներկայացնի լիազորագիր պայմանագիրը կնքող կազմակերպության կողմից, լիազորված անձի անձնագիրը, վավեր վարորդական իրավունքի վկայական և գրավի գումարի տրամադրման հնարավորություն (բանկային քարտով սառեցնելու, կանխիկ վճարելու միջոցով) կամ հավելավճար մուծելու հնարավորություն (մանրամասները՝ 8.3 – 8.5 կետերում):
- 3.5. **Վարձակալն** իրավունք չունի ենթավարձակալության հանձնել վարձակալված Ավտոմեքենան:
- 3.6. Չնայած Ավտոմեքենայի վարձակալության ողջ պատասխանատվությունը ստանձնում է **Վարձակալը**, այնուամենայնիվ, եթե վարձակալված Ավտոմեքենան վարելու են **Վարձակալից** տարբեր այլ **Վարորդներ**, ապա նրանք նույնպես պետք է ստանան Ավտոմեքենան վարելու իրավունք **Վարձատուի** կողմից (այդ մասին հատուկ նշվում է վարձակալության պայմանագրում): Առանց **Վարձատուի** թույլտվության **Վարձակալն** իրավունք չունի Ավտոմեքենայի վարման իրավունք տալ որևէ այլ անձի:
- 3.7. Եթե վարձակալված Ավտոմեքենան վարելու են **Վարձակալից** տարբեր այլ **Վարորդներ** ապա նրանք նույնպես պետք է լինեն 22 - 70 տարեկան, ունենան առնվազն 2 տարվա վարորդական փորձ և ներկայացնեն վավեր վարորդական իրավունքի վկայականներ: Յուրաքանչյուր լրացուցիչ վարորդի վարման իրավունք տալու համար գանձվում է լրացուցիչ գումար:
- 3.8. Վարձակալված Ավտոմեքենան վարելիս **Վարորդը** պարտավոր է պահպանել ճանապարհային երթևեկության կանոնները: Վարորդը պատասխանատու է խախտումների համար նախատեսված տուգանքների վճարման համար: **Վարորդը** Ավտոմեքենան պետք է կայանի կայանման համար թույլատրվող տարածքներում, կայանելիս փակի Ավտոմեքենայի դռներն ու բեռնախցիկը, միացնի հակաառևանգման համակարգը և Ավտոմեքենայում չթողնի նրա բանալիներն ու փաստաթղթերը: Բանալիներն ու փաստաթղթերը պետք է լինեն **Վարորդի** մոտ և նրա մշտական հսկողության տակ: Ավտոմեքենայի առանցքման դեպքում **Վարձակալը** պարտավոր է վերադարձնել Ավտոմեքենայի բանալիների և փաստաթղթերի բնօրինակները:
- 3.9. Տեխնիկական անսարքություններ նկատելիս **Վարորդն** անմիջապես պարտավոր է այդ մասին տեղեկացնել **Վարձատուին**: Եթե Ավտոմեքենայի տեխնիկական անսարքությունը կամ նրա բաղկացուցիչ մասերի

թերութիւնը/կորուստը առաջացել է **Վարորդի** մեղքով, ապա նա ամբողջութեամբ պարտավոր է փոխհատուցել ծագած վնասները: Եթէ Ավտոմեքենայի շահագործման ընթացքում ոչ **Վարորդի** մեղքով առաջացել են տեխնիկական անսարքութիւններ կամ թերութիւններ և Ավտոմեքենայի հետագա շահագործումը դարձել է վտանգավոր, ապա նա իրավունք ունի պահանջել փոխարինել վարձակալված Ավտոմեքենան համարժեք Ավտոմեքենայով:

3.10. Վթարի, ինչպէս նաև Ավտոմեքենայի (կամ նրա բաղկացուցիչ մասերի) կորստի/գողութեան դեպքում **Վարորդը** պարտավոր է անհապաղ այդ մասին տեղյակ պահել **Վարձատուին** և Ոստիկանութեանը, օժանդակել օրենքով սահմանված կարգով արձանագրութիւններ և պատշաճ տեղեկանքներ կազմելուն, ներկայացնել դրանք **Վարձատուին**:

3.11. **Վարձակալի** կամ **Վարորդի** կողմից երրորդ անձանց և նրանց գույքին պատճառված վնասի դեպքում վերջիններս **Վարձատուին** որևէ պահանջ ներկայացնելու իրավասութիւն չունեն և **Վարձատու** որևէ պատասխանատվութիւն չի կարող կրել: Ապահովագրական ընկերութիւնը «Ավտոտրանսպորտային միջոցների օգտագործումից բխող պատասխանատվութեան պարտադիր ապահովագրութեան» պայմանագրով, «Ավտոկասկո ապահովագրութեան պայմանագրով» և «Ավտոտրանսպորտային միջոցների օգտագործումից բխող պատասխանատվութեան պարտադիր ապահովագրութեան մասին» ՀՀ օրենքով սահմանված դեպքերում սուբրոգացիայի իրավունքը կարող է իրացնել բացառապէս **Վարձակալի** կամ **Վարորդի** նկատմամբ:

3.12. **Վարձակալի** կամ **Վարորդի** գործողութիւնների (անգործութեան), Ապահովագրութեան պայմանագրի պայմանների խախտման դեպքում **Վարձատու** որևէ պատասխանատվութիւն չի կրում և Ապահովագրական ընկերութիւնը չի կարող **Վարձատուից** պահանջել ապահովագրական հատուցման գումարի վերադարձ (սուբրոգացիա):

4. Վարձատուի պարտավորութիւններն ու իրավունքները

4.1. Վարձատու արտավորվում է պատվերը ստանալուց հետո առավելագույնը 2 օրվա ընթացքում կապ հաստատել **Պատվիրատուի** հետ, տեղեկացնել պատվերի իրականացման հնարավորութիւնների մասին եւ հավաստի տվյալներով պատասխանել **Պատվիրատուի** բոլոր հարցերին:

4.2. **Վարձատու** արտավորվում է համաձայնեցված ժամկետներում **Պատվիրատուին** տրամադրել **ամրագրված** Ավտոմեքենան: Եթէ **ամրագրված** Ավտոմեքենան ունի տեխնիկական անսարքութիւններ, **Վարձատու** արտավորվում է **Պատվիրատուին** տրամադրել նույն խմբում գտնվող (նույն տեսակի և նույն կարգի) մեկ այլ Ավտոմեքենա՝ ոչ ավելի բարձր գնով, քան ամրագրված Ավտոմեքենայի գինն է:

4.3. Եթէ վարձակալութեան օրը **Վարձատու** հրաժարվում է **Պատվիրատուին** տրամադրել Ավտոմեքենա նախորդ պարբերութիւնում նշված կարգի համաձայն, ապա վճարում է նրան տուգանք **վարձակալութեան 1 օրվա արժեքի** չափով:

4.4. **Վարձատու** որևէ պատասխանատվութիւն չի կրում վարձակալված Ավտոմեքենաներում կորած կամ անհետացած անձնական իրերի համար, ինչպէս նաև վարձակալված Ավտոմեքենաների ուղևորների առողջական խնդիրների համար:

4.5. **Վարձատու** արտավորվում է վարձակալութեան պայմանագրի գործողութեան ընթացքում իրականացնել վարձակալված Ավտոմեքենայի այնպիսի տեխնիկական սպասարկումը, որոնց առաջացումը պայմանավորված չէ **Վարձակալի** մեղավորութեամբ՝ բացառութեամբ առաջին անհրաժեշտութեան սպասարկումից (պահեստային անիվի փոխարինում, դիմապակու մաքրման հեղուկի լիցքավորում, լուսարձակման լամպերի փոխարինում և այլն):

4.6. **Վարձատու** արտավորվում է խելամիտ ժամկետում՝ անհանգստութիւն չպատճառելով **Վարձակալին**, վերացնել վարձակալված Ավտոմեքենայի թերութիւնները կամ տրամադրել նույն խմբում գտնվող (նույն տեսակի և նույն կարգի) մեկ այլ Ավտոմեքենա, եթէ վարձակալութեան պայմանագրի գործողութեան ընթացքում Ավտոմեքենան խափանվել է ոչ **Վարձակալի** մեղքով և նրա հետագա շահագործումը դարձել է վտանգավոր:

4.7. **Վարձատու** արտավորվում է **Վարձակալին** տրամադրել Ավտոմեքենայի շահագործման համար անհրաժեշտ բոլոր փաստաթղթերը:

4.8. Վարձակալութեան պայմանագրի որևէ կետի խախտման դեպքում **Վարձատու** իրավունք ունի հետ վերցնել տրամադրված Ավտոմեքենան, միակողմանի լուծել պայմանագիրը և չվերադարձնել որևէ գումար նրան և պահանջել պատճառված վնասների լրիվ հատուցում: Այդ դեպքում **Վարձատու** որևէ պատասխանատվութիւն չի կրում Ավտոմեքենայում թողած իրերի կորստի կամ վնասման համար:

5. Ավտոմեքենաների հանձնումն ու ընդունումը, շահագործման կարգը

5.1. Վարձակալված Ավտոմեքենաները թույլատրվում է շահագործել միայն Հայաստանի Հանրապետութեան և Լեռնային Ղարաբաղի տարածքում: Հատուկ թույլտվութեան դեպքում Ավտոմեքենաները կարելի է շահագործել նաև Վրաստանի Հանրապետութիւնում, որի համար լրացուցիչ գանձվում է 10.000 դրամ: Վարձակալութեան հանձնվող Ավտոմեքենաները արտաքին գովազդ չունեն: Ավտոմեքենաների վազքը սահմանափակված չէ:

5.2. Վարձակալված Ավտոմեքենաների փաստաթղթերի ձևակերպումը, հանձնումն ու ընդունումը կատարվում է ինչպէս գրասենյակում, այնպէս էլ լրացուցիչ վճարի դեպքում **Պատվիրատուի** նախանշած ցանկացած այլ վայրում (այդ թվում՝ օդանավայանում, երևանում և Երևանից դուրս): Բոլոր դեպքերում **Պատվիրատու** արտավոր է նախօրոք համաձայնութիւն ձեռք բերել **Վարձատուից** Ավտոմեքենայի հանձնման և ընդունման վայրի վերաբերյալ:

5.3. Գրասենյակի աշխատանքային օրերն ու ժամերը՝

Երկուշաբթի – Շաբաթ՝ 09.00 – 19.00:

Կիրակի և տոն օրեր – ոչ աշխատանքային:

5.4. Գրասենյակում Ավտոմեքենայի հանձնումն ու ընդունումը կատարվում է առանց հավելավճարի:

5.5. Օդանավակայանում Ավտոմեքենայի ընդունում կամ հանձնում կատարելու դեպքում **Վարձակալը** վճարում է հավելյալ 9.000 դրամ:

5.6. Երևանում նախանշած հասցեում Ավտոմեքենայի ընդունում կամ հանձնում կատարելու դեպքում **Վարձակալը** վճարում է հավելյալ 5.000 դրամ:

5.7. Երևանից դուրս Ավտոմեքենայի ընդունում կամ հանձնում կատարելու դեպքում **Վարձակալը** կախված հեռավորությունից վճարում է հավելյալ գումար 500 դրամ՝ 1 կմ-ի համար :

5.8. Ոչ աշխատանքային օրերին կամ ժամերին Ավտոմեքենայի հանձնում կամ ընդունում կատարելու համար **Վարձակալը** վճարում է հավելյալ 4.000 դրամ:

5.9. Վարձակալվող Ավտոմեքենաները **Վարձակալին** տրամադրվում են պատշաճ վիճակում՝ տեխնիկապես անթերի, մաքուր և վառելիքի ամբողջական լիցքավորմամբ: Վարձակալված Ավտոմեքենաներում անվճար տրվում են հովանոց, քարտեզ, պահեստային անիվ, առաջին անհրաժեշտության գործիքներ, դեղատուփ և կրակմարիչ: Ձմեռային ամիսներին՝ Ավտոմեքենաները տրամադրվում են ձմեռային անվադողերով:

5.10. **Վարձակալը** պարտավոր է հետևել Ավտոմեքենայի շահագործման ընդունված կանոններին և Ավտոմեքենան լիցքավորել բարձրորակ վառելիքի տեսակով:

5.11. **Վարձակալը** պարտավոր է վերջնաժամկետին պատշաճ վիճակում հետ վերադարձնել Ավտոմեքենան, բոլոր փաստաթղթերը, լրացուցիչ սարքավորումներն ու պարագաները:

5.12. Ավտոմեքենաները **Վարձատուհին** հետ վերադարձնելիս պետք է լինեն չվնասված, տեխնիկապես անթերի, մաքուր և վառելիքի ամբողջական լիցքավորմամբ: Եթե Ավտոմեքենայի տեխնիկական անսարքությունը կամ նրա բաղկացուցիչ մասերի թերությունը/կորուստը առաջացել է **Վարձակալի** մեղքով, ապա նա ամբողջությամբ պարտավոր է փոխհատուցել ծագած վնասները:

5.13. Ավտոմեքենան մաքուր վիճակում **Վարձատուհին** չհանձնելու դեպքում գանձվում է 3.000 դրամ:

5.14. Ավտոմեքենան վառելիքի ամբողջական լիցքավորմամբ **Վարձատուհին** չհանձնելու դեպքում գանձվում է 600 դրամ լիցքավորման ծառայության վճար՝ վառելիքի յուրաքանչյուր պակաս լիտրի դիմաց:

5.15. Ավտոմեքենայի հանձնման և ընդունման ժամանակ **Վարձակալը Վարձատուհի** մասնագետի հետ գնում է Ավտոմեքենան և կազմում նրա վիճակի վերաբերյալ համապատասխան հանձնման-ընդունման ակտ, որը հանդիսանում է պայմանագրի անբաժանելի մաս: Ավտոմեքենայի վերաբերյալ ցանկացած թերություն արձանագրվում է հանձնման-ընդունման ակտում: **Վարձակալը** մինչև Ավտոմեքենան վարձակալության ընդունելը պարտավոր է Ավտոմեքենայի անսարքություններ կամ որևէ այլ թերություններ հայտնաբերելու դեպքում այդ մասին տեղեկացնել **Վարձատուհին** և համապատասխան նշում կատարել հանձնման-ընդունման ակտում: **Վարձակալը** Ավտոմեքենայի ընդունման ժամանակ նշված թերություններից բացի հետագայում հայտնաբերված որևէ այլ թերության մասին հայտարարություն անելու իրավունքից զրկվում է:

5.16. Հանձնման-ընդունման ակտը երկկողմանի հաստատմամբ պահպանվում է յուրաքանչյուր կողմի մոտ և հիմք է հանդիսանում Ավտոմեքենայի թերություններն ու վնասները գնելիս և գնահատելիս, ընդ որում **Վարձակալը** ընդունում է, որ **Վարձատուհին** իրավունք ունի որոշել, թե ում մեղքով են առաջացել թերություններն ու վնասները: Եթե **Վարձակալը** հրաժարվում է ստորագրել հանձնման-ընդունման ակտը Ավտոմեքենան հանձնելիս, ապա **Վարձատուհին** իրավունք ունի կազմել այն երկու վկաների ներկայությամբ և օգտագործել ըստ անհրաժեշտության:

5.17. Արգելվում է Ավտոմեքենաները շահագործելիս տեղափոխել հրակայուն բեռներ, պայթուցիկ նյութեր, մաքսանենգ ապրանքներ և օրենքով արգելված կամ վտանգավոր այլ բեռներ:

5.18. Արգելվում է Ավտոմեքենաներն օգտագործել մրցույթներում և շահագործել որպես քարշակ կամ որպես ուսումնական Ավտոմեքենա, տաքսի ծառայության և բեռնափոխադրման նպատակով:

5.19. Արգելվում է Ավտոմեքենաների ինքնուրույն տեխնիկական վերանորոգումը (բացառությամբ առաջին անհրաժեշտության սպասարկումից՝ պահեստային անիվի փոխարինում, դիմապակու մաքրման հեղուկի լիցքավորում, լուսարձակման լամպերի փոխարինում և այլն) և լրացուցիչ դետալների տեղադրումը:

6. Վարձակալության ժամկետներն ու գների հաշվարկը

6.1. Ավտոմեքենաների վարձակալության նվազագույն ժամկետը 1 օրն է: Վարձակալության առավելագույն ժամկետ չի սահմանվում: Վարձակալության սկզբնաժամկետը համարվում է Ավտոմեքենան տրամադրելու պահը, իսկ վերջնաժամկետը այն հետ վերադարձնելու պահը:

6.2. Որքան երկար է վարձակալության ժամկետը՝ այնքան ցածր է **վարձակալության 1 օրվա գինը**: Երկարաժամկետ պատվերների, ինչպես նաև մշտական հաճախորդների համար գործում են հատուկ գներ:

6.3. Եթե վարձակալության ժամկետը բացի լիարժեք օրերից ներառում է նաև հավելյալ ժամեր, ապա ամրագրման համակարգը հաշվարկը կատարվում է հետևյալ սանդղակի համաձայն.

- մինչև 3 հավելյալ ժամի համար հաշվարկվում է **վարձակալության 1 օրվա գնի** 25%-ը
- 3 – 6 հավելյալ ժամի համար հաշվարկվում է **վարձակալության 1 օրվա գնի** 50%-ի չափով
- 6-ից ավելի հավելյալ ժամի համար հաշվարկվում է **վարձակալության 1 օրվա գնի** 100%-ի չափով

6.4. Ավտոմեքենաների վարձակալության գները ներառում են դրանց տեխնիկական սպասարկման ծախսերը, բոլոր պետական հարկերը, ԱԳՊԱ և ԿԱՍԿՈ ապահովագրությունների արժեքները, ինչպես նաև Ավտոմեքենայի փոխարինումը տեխնիկական սպասարկման ընթացքում:

6.5. Ավտոմեքենաների վարձակալության գները չեն ներառում վարորդի, վառելիքի, ավտուլվացման, կայանատեղերի վճարները և ճանապարհատրանսպորտային խախտումների տուգանքները:

6.6. **Վարձակալից** բացի Ավտոմեքենան այլ **Վարորդների** կողմից վարելու իրավունքի տրամադրման համար գանձվում է օրեկան 2.000 դրամ՝ բայց ոչ ավելի քան 10.000 դրամ վարձակալության ողջ ժամկետի համար:

6.7. Վարձակալված Ավտոմեքենան վերջնաժամկետից շուտ հետ վերադարձնելու դեպքում կատարվում է վերահաշվարկ համաձայն փաստացի վարձակալված օրերի և դրան համապատասխան գնացուցակի, ընդ որում՝ անկախ հետ վերադարձման ժամից, այդ օրը և հաջորդ օրը հաշվարկվում են որպես լիարժեք վարձակալված օրեր: Վերահաշվարկի արդյունքում **Վարձակալին** հետ է վերադարձվում լրացուցիչ գումարն ամբողջությամբ, եթե վերջինս պայմանագրով սահմանված վերջնաժամկետից առնվազն 48 ժամ առաջ այդ մասին տեղյակ է պահել **Վարձատուին**, հակառակ դեպքում որևէ գումար հետ չի վերադարձվում:

6.8. Վարձակալության ժամկետը երկարաձգելու դեպքում անհրաժեշտ է նախօրոք տեղյակ պահել **Վարձատուին** և **Վարձատուի** կողմից համաձայնություն տալու դեպքում, կնքել համաձայնագիր երկարաձգման վերաբերյալ:

6.9. Վարձակալված Ավտոմեքենան պայմանագրով նախատեսված վերջնաժամկետից ուշ վերադարձնելու դեպքում, անկախ ուշացման պատճառներից, **Վարձակալը** վճարում է հավելավճար.

- Մինչև 3 ժամ ուշացնելու դեպքում՝ **վարձակալության 1 օրվա գնի** 50%-ի չափով
- 3 – 6 ժամ ուշացնելու դեպքում՝ **վարձակալության 1 օրվա գնի** 100%-ի չափով
- 6 ժամից ավելի ուշացնելու դեպքում՝ **վարձակալության 1 օրվա գնի** կրկնապատիկի չափով

6.10. Վարձակալված Ավտոմեքենան պայմանագրով նախատեսված վերջնաժամկետից 24 ժամ հետո չվերադարձնելու դեպքում **Վարձատուին** կարող է դիտել դա որպես առանձնակալ և հետ վերցնել վարձակալված Ավտոմեքենան ցանկացած վայրից առանց **Վարձակալին** գգուշացնելու կամ դիմել Ոստիկանության՝ Ավտոմեքենան բերման ենթարկելու, **Վարձակալին** պատասխանատվության կանչելու պահանջով, ընդ որում այդ դեպքում Ավտոմեքենայում թողած իրերի պատասխանատվությունը կրում է **Վարձակալը**:

7. Վարձակալության ընդհանուր գումարը, գրավի գումարը և վճարումների կազմը

7.1. Վարձակալության ընդհանուր գումարը Ավտոմեքենայի վարձակալության արժեքի և պատվիրված լրացուցիչ ծառայությունների արժեքի հանրագումարն է: Վարձակալության արժեքն ամբողջությամբ վճարվում է պայմանագիրը ստորագրելու պահին: Եթե նախօրոք կատարվել է կանխավճար, ապա պայմանագիրը ստորագրելու պահին վճարվում է միայն վերջնավճարը:

7.2. **Վարձակալը** պարտավոր է վճարել բոլոր լրացուցիչ գումարները, տուգանքներն ու չնախատեսված հավելավճարները, որոնք սահմանված են գնացուցակով և հաշվարկվել են **Վարձատուի** կողմից Ավտոմեքենան հետ վերադարձնելու պահին:

7.3. Բացի վարձակալության արժեքի վճարումից **Վարձակալը** պայմանագիր ստորագրելու պահին պետք է տրամադրի **Գրավի** (ապահովության) **գումար** կամ վճարում է գրավի գումարը փոխարինող **հավելավճար: Հավելավճարը** վարձակալության յուրաքանչյուր օրվա համար կազմում է 10.000 դրամ, որն ի տարբերություն **գրավի գումարի** հետ վերադարձման ենթակա չէ որևէ պարագայում:

7.4. Բոլոր ավտոմեքենաների **Գրավի գումարը** 120.000 դրամ է, բացի E կարգի, “Wagon” տեսակի Ավտոմեքենաներից, որոնց **Գրավի գումարը** 200.000 դրամ է: **Գրավի գումարը** նախատեսված է ապահովելու վարձակալության պայմանագրով **Վարձակալի** ստանձնած պարտավորությունները և ծածկելու այնպիսի վնասների արժեքները, որոնք չեն փոխհատուցվում ապահովագրական գումարներով կամ ապահովագրական պատահար չեն հանդիսանում: Եթե տուգանքները կամ հասցված վնասների ծախսերը չեն գերազանցում **Գրավի գումարը**, ապա այն փոխհատուցվում է **Գրավի գումարի** հաշվին, իսկ դրա չծախսված մասը հետ է վերադարձվում **Վարձակալին**: Եթե տուգանքները կամ հասցված վնասների ծախսերը գերազանցում են գրավի գումարը, ապա որևէ գումար **Վարձակալին** հետ չի վերադարձվում և նրանից լրացուցիչ գանձվում է գրավի գումարով չփոխհատուցված վնասի արժեքը:

7.5. **Գրավի գումարը** հնարավոր է տրամադրել քարտային հաշվից սառեցնելու կամ կանխիկ վճարելու միջոցով: Եթե վարձակալված Ավտոմեքենան պատշաճ վիճակում և ժամկետում հետ է վերադարձվում **Վարձատուին**, ապա **գրավի գումարը** հետ է տրվում **Վարձակալին** (քարտային հաշվից սառեցված գումարը ապաստացվում է, իսկ կանխիկ տրամադրված **գրավի գումարը**՝ կանխիկ հետ է վերադարձվում):

7.6. Վճարումները կարելի է կատարել կանխիկ (ՀՀ դրամով), բանկային փոխանցումով կամ քարտերի միջոցով: Ընդունվում են VISA, Mastercard, Maestro, American Express, Arca տիպի քարտերը: Արտարժույթով վճարումների դեպքում հիմք են ընդունվում ՀՀ ԿԲ կողմից ներկայացված արտարժույթի փոխարժեքները, որոնք կարող են տարբերվել այս կայքում ներկայացվածից:

8. Ապահովագրությունը և պատասխանատվությունը վնասի / կորստի դեպքում

8.1. Վարձակալության տրամադրվող բոլոր Ավտոմեքենաները ապահովագրված են ԱԳՊԱ և ԿԱՍԿՈ պայմաններով և **Վարձակալը** կրում է ամբողջական պատասխանատվություն ապահովագրական ընկերության նկատմամբ: Վարձակալության պայմանագիր ստորագրելով **Վարձակալը** հաստատում է, որ ծանոթացել է և ընդունել է նաև ապահովագրության պայմանագրի դրույթները:

8.2. Վարձակալության հանձնված Ավտոմեքենային կամ երրորդ անձանց (նրանց գույքին, առողջությանը, ուղևորներին) պատճառված վնասը Ապահովագրական ընկերության կողմից չհատուցվելու դեպքում, երբ ապահովագրական հատուցման տրամադրման մերժումը պայմանավորված է **Վարձակալի** գործողություններով (անգործությամբ), այդ թվում ապա-

հովազրության կանոնների խախտման կամ այնպիսի գործողությունների դեպքում, երբ պատճառված վնասը չի դիտարկվել ապահովագրական, ապա Ավտոմեքենային, երրորդ անձանց (նրանց գույքին, առողջությանը) պատճառված վնասը ենթակա է հատուցման **Վարձակալի** կողմից:

8.3. ԱՊՊԱ-ն ապահովագրվում է այն վնասները, որոնք առաջացել են տրանսպորտային միջոցի օգտագործումից մյուս՝ տուժող կողմին, պատճառված վնասներից և տուժողի գույքին պատճառված վնասներ: Երրորդ անձանց վնասները փոխհատուցվում են հետևյալ կերպ.

անձնական վնասներ՝ տուժողի առողջությանը պատճառված վնասներ և դրանց հետևանքով կորցրած աշխատավարձ/եկամուտներ, ինչպես նաև տուժողի մահ - մեկ ապահովագրական պատահարի համար 3,000,000 ՀՀ դրամ

տուժողի գույքին պատճառված վնասներ – առավելագույնը 1.500.000 դրամ

8.4. Ապահովագրական ընկերության կողմից երրորդ անձանց պատճառված վնասներն ամբողջովին չհատուցելու կամ ընդհանրապես չհատուցելու դեպքում վնասների հատուցման պարտականություն կրում է բացառապես **Վարձակալը**: **Վարձատու**ն Ավտոմեքենայի վարձակալության հանձնված ամբողջ ժամանակահատվածի համար **Վարձակալի** կողմից երրորդ անձանց պատճառված վնասների համար որևէ պատասխանատվություն չի կրում:

8.5. ԿԱՄԿՈ-ն ապահովագրում է վարձակալված Ավտոմեքենայի, վարորդի և նաև նրա ուղևորների անձնական վնասների փոխհատուցումը՝ ճանապարհատրանսպորտային պատահարների, հրդեհի, առևանգման և մյուս ապահովագրական պատահարների դեպքում՝ հետևյալ կերպ.

ուղևորների/վարորդի անձնական վնասներ՝ առավելագույնը 3.000.000 դրամ

Ավտոմեքենայի վնասներն ամբողջությամբ՝ համաձայն ապահովագրության պայմանների՝ բացառությամբ չփոխհատուցվող գումարը

8.6. **Վարձակալը** պահպանելով վարձակալության պայմանագրի կետերը (այդ թվում ապահովագրության) էապես սահմանափակում է իր ֆինանսական պատասխանատվությունը, եթե դրանց մասին ժամանակին տեղյակ է պահել **Վարձատուին** (անհրաժեշտության դեպքում նաև Ոստիկանությանը):

8.7. Ցանկացած պատահարի, կորստի կամ վնասի դեպքում **Վարձակալը** պետք է ներկայացնի օրենքով սահմանված կարգով կազմված արձանագրություն, ինչպես նաև պատահարի մասնակից մյուս կողմերի կամ վկաների մասին բավարար տվյալներ: Ոչ մի հանգամանքներում **Վարձակալը** չպետք է ընդունի ցանկացած երրորդ անձանց պահանջները:

8.8. Եթե **Վարձակալը** պահպանել է ճանապարհային երթևեկության կանոնները, վարձակալության պայմանագրի (այդ թվում ապահովագրության) դրույթները, ապա ապահովագրական պատահարի դեպքում նրա պատասխանատվությունը վարձակալված Ավտոմեքենայի և նրա ուղևորների նկատմամբ սահմանափակվում է **գրավի գումարով**, ընդ որում.

- Եթե ապահովագրական պատահարի մեղավոր կողմը **Վարձակալն** է (կամ մեղավոր կողմը բացակայում է), ապա **Վարձակալը** փոխհատուցում է առավելագույնը **գրավի գումարի** չափով;
- Եթե ապահովագրական պատահարը **Վարձակալի** մեղքով չէ և մեղավոր կողմը առկա է, ապա **գրավի գումարն** ամբողջությամբ հետ է վերադարձվում նրան:
- Ավտոմեքենայի բաղկացուցիչ մասերի կորստի, վնասվածքի կամ Ավտոմեքենայի առևանգման, հրդեհման դեպքերում **Վարձակալը** փոխհատուցում է առավելագույնը **գրավի գումարի** չափով;

8.9. Եթե **Վարձակալը** չի պահպանել ճանապարհային երթևեկության կանոնները կամ վարձակալության պայմանագրի (այդ թվում ապահովագրության) որևէ դրույթ, ապա նա կրում է տեղի ունեցած պատահարի (վնաս, կորուստ, հրդեհ և այլն) ողջ պատասխանատվությունը և պարտավոր է փոխհատուցել թե՛ վարձակալված Ավտոմեքենայի և նրա ուղևորների, թե՛ **Վարձատուին** և թե՛ երրորդ անձանց գույքային և անձնական վնասներն ու կորուստները:

8.10. Ապահովագրական պայմանագրի հիմնական դրույթներն ու մանրամասները կազմում են այս պայմանների անբաժանելի մասը:

9. Լրացուցիչ ծառայություններ

9.1. Ավտոմեքենա վարձակալելիս կարող եք օգտվել նաև հետևյալ լրացուցիչ ծառայություններից՝

- Մանկական նստատեղ – 4.000 դրամ / 1 օրը: 5 կամ ավելի օրով վարձակալելիս՝ գանձվում է 20.000 դրամ՝ անկախ օրերի թվից:
- Նավիգացիոն համակարգ – 4.000 դրամ / 1 օրը: 5 կամ ավելի օրով վարձակալելիս՝ գանձվում է 20.000 դրամ՝ անկախ օրերի թվից:
- Վարորդի ծառայություն – 9.000 դրամ / 1 օրը

9.2. Այստեղ ներկայացված վարձակալության պայմաններն ու պարտավորությունները վերաբերվում են նաև լրացուցիչ ծառայություններին:

10. Անհաղթահարելի ուժի ազդեցություն

Կողմերն ազատվում են պատասխանատվությունից, եթե պարտավորությունները չեն կատարվել անհաղթահարելի ուժի ազդեցության հետևանքով (երկրաշարժ, ջրհեղեղ, պատերազմ, հաղորդակցական միջոցների աշխատանքի դադարեցում եւ այլն):